

Tratamentu Palbociclib/ Faslodex



FUNDASHON **M**ARIADAL

Introdukshon

Ta atministrá Palbociclib na pashèntnan ku kanser na pechu lokalmente avansá òf ku metástasisnan. Ta kombiná Palbociclib ku un terapia anti hormonal ku inyekshonnan (Faslodex®). Bo dòkter lo konsehá bo pa kua tratamentu abo ta bin na remarke.



Kon e proseso di e tratamentu ta?

En total un siklo di e tratamentu ku Palbociclib ta 28 dia (òf 4 siman). Bo tin ku tuma e remedinan 3 siman largu, sigui pa 1 siman di sosiegu. Den e siman di sosiegu bo no ta tuma Palbociclib.

Durante e promé 2 siklonan mester prek sanger de bes en kuando:

- Promé ku e tratamentu start.
- Riba e di 14 dia (2 siman despues di start).

Desde siklo 3 mayoria bia ta nesesario pa kue sanger solamente na inisio di kada tratamentu.

Ta duna e inyekshon (Faslodex) 1 bia den kada 2 siman den e promé siklo, despues kada 4 siman pasa.

Ta inyektá e inyekshon aki den e múskulo di e parti patras. Preferiblemente ta keda kambia di lugá. E atministrashon ta dura mas òf ménos 2-3 minüt, ta dividí e dósis den dos inyekshon.

Kon mi tin ku tuma e remedi?

- Bo ta tuma 1 kápsula di Palbociclib 1x pa dia durante 3 siman, siguí pa un siman di sosiegu. Den e siman di sosiegu bo no ta tuma Palbociclib.
- Pa mantené e kantidat di Palbociclib stabil den bo sanger, ta rekomendabel pa tuma e remedi kada be riba mesun ora di dia.
- Mester tuma Palbociclib kada be huntú ku kuminda.
- Guli e kápsulanan hinté huntú ku un glas di awa, sin kou.

Posibel efektonan sekundario

Si bo tin molèster di efektonan sekundario, pone bo enfermera na altura di esaki durante e siguiente tratamentu. Posiblemente por hasi algu al respekto.

Bo por tuma kontakto (durante orario di ofisina) ku e enfermera di onkologia via e siguiente number: 780 0493.

Mayoria bia e toleransia pa Fulvestrant ta bon. Efektonan sekundario ku por presentá ta:

- Doló òf kolorashon blou na e lugá di inyekshon.
- Síntoma di menopousa, manera sinti bo sofoká, problema pa drumi, kansansio, problema ku konsentrashon, trastorno den estado di ánimo, doló di kabes, oumento di peso, problemanan ku kueru i kabei, vagina seku, pèrdida di deseo den sèks i kehonan di pèrdida di orina.
- Kehonan tokante múskulo i djòintnan.
- Posiblemente bo tin mas chèns riba osteoporósis (deskalsifikashon di wesu).
- Walmentu di stoma.
- Trombósis i malesanan kardiovaksular.
- Fulvestrant ta duna un riesgo leve riba un pia di trombósis òf embolia di pulmon. Den kaso ku tin problema tuma kontakto ku e dòkter ku ta trata bo òf enfermera spesialisista.

Tin algun motibu pa tuma kontakto mesora ku e enfermera di onkologia/dòkter òf hospital. Lesa e formulario 'Motibunan pa yama e enfermera di onkologia/dòkter.'





FUNDASHON **M**ARIADAL

Publikashon 12-2022